

Kuala Lumpur

Platform terbaik bakal graduan teroka peluang pekerjaan

Penganjuran program Hari Integrasi Latihan Industri dan Kerjaya dilihat sebagai satu platform terbaik untuk bakal graduan meneroka peluang pekerjaan dengan industri berkaitan.

Program yang berlangsung di Dewan Canselor Tun Abdul Razak (DECTAR), Universiti Kebangsaan Malaysia (UKM) itu boleh membantu pelajar merancang hala tuju kerjaya selain memudahkan mereka

mendapat tempat dalam pasaran kerjaya.

Pengunjung, Amirah Adillah Mohd Hashim, 19, berkata, program itu membolehkannya mengintai peluang untuk masa depan.

"Program ini dapat memberikan saya pendedahan mengenai latihan industri yang akan saya jalani.

"Melalui program ini saya dapat mengetahui serba sedikit mengenai peluang pekerjaan yang ditawarkan dalam bidang

yang saya pelajari sekarang," katanya.

Sementara itu, Naib Canselor UKM, Prof Tan Sri Dr Noor Azlan Ghazali berkata, isu pengangguran dalam kalangan graduan adalah satu isu besar yang melanda negara.

"Pendidik dan pelajar sendiri perlu sedar perubahan yang berlaku untuk mendapatkan pekerjaan," katanya ketika majlis perasmian program itu, di DECTAR, UKM, semalam.



DR Noor Azlan (empat dari kiri) merasmikan Program UKM Integrated Internship & Career Day 2017 di DECTAR, UKM, semalam.